

ПОЛИЦИЈА БРЧКО ДИСТРИКТА БИХ

POLICIJA BRČKO DISTRIKTA BIH



ODJELJENJE - ODJEL ZA JAVNU SIGURNOST
VLADE BRČKO DISTRIKTA BIH

ОДЈЕЉЕЊЕ-ОДЈЕЛ ЗА ЈАВНУ БЕЗБЈЕДНОСТ
ВЛАДЕ БРЧКО ДИСТРИКТА БИХ

AKCIJA UPOZORAVANJA NA OPASNOSTI PRILIKOM KORIŠĆENJA PIROTEHNIČKIH SREDSTAVA



**ЗАЈЕДНИЧКОМ АКЦИЈОМ СПРИЈЕЧИМО БРОЈ
РИЗИЧНИХ РАДЊИ МЛАДИХ АДОЛЕСЦЕНАТА
ПРИЛИКОМ КОРИШЋЕЊА
ПИРОТЕХНИЧКИХ СРЕДСТАВА У ВРИЈЕМЕ
ПРЕДСТОЈЕЋИХ ПРАЗНИКА**

Upotrebu pirotehnikе ne treba ograničavati nego svesti u razumne granice, i pri tome nastojati da djeca budu posmatrači, a ne aktivni sudionici vatrenog slavlja. Djeca vole vatromet, prasak petardi, iskrenje, plamen, dim, svjetlosne i zvučne efekte koje proizvode pirotehnička sredstva. Podsticaj nalaze gotovo svakodnevno gledajući televiziju, filmove, na proslavama, uz računare i videoigre, na sportskim terenima. Nisu, međutim, uvijek svjesna opasnosti koje pritom vrebaju na njih. Petarde se mogu kupiti na brojnim štandovima koji se nalaze u gradu, prodavnicama i trgovačkim centrima, tj. kod neovlaštenih prodavača pirotehničkih sredstava.



ISKUSTVA:

Postavlja se pitanje zašto djeca posežu za pirotehničkim sredstvima? Žele se pokazati pred društvom, prijateljima, simpatijama, djevojčicama, a socijalne razlike pritom ne utiču na njihovo korištenje.

OPASNOSTI PRI KORIŠTENJU PIROTEHNIKE:

Mnogi smatraju da su petarde potpuno bezopasne i ne vide nikakvo zlo u ovoj "razonodi". Međutim, da li je to zaista tako? Petarde su opasne po zdravlje, jer se u njima, pored drugih hemijskih sastojaka, nalazi i otrovni selen. Nakon eksplozije petardi u zraku se talože otrovni gasovi koje udišemo i koji ostavljaju posljedice na naše zdravlje.

POVREDE KOJE SU MOGUĆE PRILIKOM KORIŠTENJA PIROTEHNIČKIH SREDSTAVA:

- Opekotine
- Gubitak sluha
- Sljepoća
- Amputacije
- Oštećenje imovine

KAKO PRUŽITI PRVU POMOĆ:

Kako su najčešće posrijedi opekotine različitog stepena, prije odlaska ljekaru treba ih hladiti vodom - pod tekućim mlazom, u zdjeli, mokrim peškirom i slično.

Hlađenje, naime, usporava i preventivno djeluje na daljnje uništavanje stanica i širenje ozljede na dublja tkiva. Ozlijeđeno mjesto treba sterilno previti (gazom, čistom ispeglanom maramicom ili kuhinjskom krpom), imobilizirati maramom ili priručnim sredstvom, po potrebi dati sredstvo protiv bolova, te se uputiti ljekaru, radi stručnog zbrinjavanja.



AKCIJA UPOZORAVANJA NA OPASNOSTI PRILIKOM KORIŠTENJA PIROTEHNIČKIH SREDSTAVA

U sklopu priprema za predstojeće praznike (Kurban-bajram, katolički Božić, pravoslavni Božić i Nova godina), Policija Brčko Distrikta BiH, u saradnji sa pripadnicima Tima za deminiranje i UES Vladinog Odljelenja za javnu sigurnost, preuzima niz preventivnih radnji usmjerenih na održavanje i podizanje općeg nivoa sigurnosti.

Uz operativne mjere koje Policija Brčko Distrikta BiH preduzima na području Brčko Distrikta BiH i ove godine, u saradnji sa pripadnicima Tima za deminiranje i UES Vladinog Odljelenja za javnu sigurnost, realizuje akciju upozoravanja na opasnosti prilikom korištenja pirotehničkih sredstava.

Pokretač i nosilac akcije:

Policija Brčko Distrikta BiH

Razrada koncepta i realizacija:

Predstavnici Policije Brčko Distrikta BiH i Tima za deminiranje i UES Vladinog Odljelenja za javnu sigurnost

Cilj akcije:

Smanjivanje broja rizičnih radnji mladih adolescenata pri korištenju pirotehničkih sredstava u vrijeme predstojećih praznika

Vrsta akcije:

Preventivna

Područje realizacije:

Osnovne škole u Donjem Breziku, Ražljevo, Šatorovići, Brezovo Polje, Gornji Zovik, Boće, Boderišće, Gornji Rahić, Palanka, Maoča, Rašljani, Brka, Bosanska Bijela

Fokusirana cilina grupa:

Učenici VI, VII, i VIII razreda osnovnih škola, cca 1.600 učenika u 12 osnovnih škola

Nefokusirana cilina grupa:

Nastavnici i roditelji

Vrijeme i način realizacije:

Akcija se realizuje u periodu od 19.11. do 19.12.2008. godine. Upoznavanje učenika osnovnih škola sa prekršajnim i krivičnim mjerama, kao i opasnostima prilikom korištenja pirotehničkih sredstava.

Medijska promocija:

Bitan dio cjelokupne akcije čini i njena promocija, te je u tu svrhu zatražena podrška lokalnih, entitetskih i državnih medija.

Podrška pri realizaciji:

Vlada Brčko Distrikta BiH, Odjeljenje za javnu sigurnost, Odjeljenje za obrazovanje.



ZAKONSKE ODREDBE U VEZI KORIŠTENJA PIROTEHNIČKIH SREDSTAVA

- Petarde i ostala pirotehnička sredstva, koja se legalno prodaju, pored uputstava na jeziku zemlje iz koje potiču, moraju imati nekoliko uputstava i sertifikat na jednom od službenih jezika koji se koriste u BiH.
- Samo je takva pirotehnika prošla sve provjere i za nju se može reći da je tehnički ispravna.
- Prodajom eksplozivnih materija bave se isključivo pravna lica koja su registrovana i posjeduju odgovarajuću dozvolu
- to je definisano u Zakonu o prometu eksplozivnih materija
- koja regulišu ovu oblast.
- U skladu sa Zakonskim odredbama pirotehnička sredstva su svrstana u četiri kategorije:
Klasa I - pirotehničke igračke: bengalske šibice, pucajuće šibice, pucajući ulošci za cigarete, amorces za pištolje, konfeti-bombice, pucajuće žabice, pucajući bonboni, pasje bombice, pucajući čepovi, šibice sa zlatnom ili srebrnom kišom, naboji koji eksplodiraju pod nogama, pucajuće vrpce, male petarde te drugi slični proizvodi,
Klasa II - sredstva za male vatromete: petarde, rimske svječice, mali vatrometni bicikl, fontane, bengalske vatre, bengalske sviječice, topovski pucnji, tzv. Pantry Knaller i rakete te drugi slični proizvodi,
Klasa III - sredstva za srednje vatromete: srednje veliki vatrometni proizvodi za javne priredbe,
Klasa IV - sredstva za velike vatromete: veliki vatrometni proizvodi za javne priredbe.
- Prilikom kupovine pirotehničkih sredstava poštuju slijedeće Zakonske odredbe:
 - **Pirotehnička sredstva za zabavu klase I mogu se tokom cijele godine prodavati u licima mlađim od 18 godina i to samo u prodavnicama ovlaštenim za prodaju pirotehničkih sredstava.**
 - **Pirotehnička sredstva za zabavu klase II mogu se u maloprodaji prodavati samo u prodavnicama oružja i municije licima starijim od 18 godina, a ista mogu koristiti samo punoljetna lica ili lica mlađa od 18 godina pod nadzorom roditelja odnosno staratelja.**
 - **Nabavku i prodajom pirotehničkih sredstava za zabavu klase III i IV mogu se baviti samo preduzeća, druga pravna lica odnosno preduzetnici koji imaju odobrenje Policije.**
 - **Period u kome je dozvoljena maloprodaja i upotreba pirotehničkih sredstava za zabavu klase II određuje Šef Policije.**



NAPOMENE I INSTRUKCIJE RODITELJIMA I NASTAVNICIMA

- Pirotehnika kupljena na ulici kod prodavaca bez ovlaštenja predstavlja opasnost za povrede.
- Svake godine za vreme božićnih i novogodišnjih praznika na ulicama se pojavljuje izuzetno veliki broj petardi koje nisu atestirane, a uvezene su uglavnom iz Kine. Prodaju ih pojedinci bez dozvole i time ugrožavaju tuđe živote.
- Podsjećamo Vas da se, pored petardi, sada prodaju i jača zapaljiva sredstva, poput raznih prskalica, koje mogu izazvati još ozbiljnije povrede. Zato je neophodno da shvatite svu ozbiljnost situacije, i apelujemo na Vas da ukoliko budete došli u situaciju, pirotehniku pravilno koristite i da je nabavljate u radnjama koje imaju sertifikat, tj. ovlaštenje izdato od strane Policije Brčko Distrikta BiH.

DJECO:

Ako ipak ne možete odoljeti i želite koristiti petarde i druga pirotehnička sredstva kako biste se razveselili za predstojeće praznike, molimo Vas da se pridržavate slijedećih savjeta pri korištenju pirotehničkih sredstava:

- Uvijek pročitajte i slijedite uputstva sa ambalaže (ako ima)
- Neka je uvijek prisutna odrasla osoba prilikom korištenja pirotehničkih sredstava
- Aktivirajte pirotehnička sredstva samo na otvorenom prostoru
- Imajte vodu u blizini
- Nikad nemojte eksperimentisati i praviti vlastita pirotehnička sredstva
- Nemojte zapaliti više pirotehničkih sredstava u isto vrijeme, nego jedno po jedno
- Nemojte nikad ponovo aktivirati ona pirotehnička sredstva koja nisu ranije funkcionisala
- Nemojte nikad davati pirotehnička sredstva maloj djeci
- Čuvajte pirotehnička sredstva na hladnom i suhom mjestu
- Nemojte nikad bacati pirotehnička sredstva na drugu osobu
- Nemojte nikad nositi pirotehnička sredstva u džepu
- Nemojte nikad bacati pirotehnička sredstva u metalne ili staklene posude (npr. konzervu, čašu, flašu i sl.)



POLICIJA BRČKO DISTRIKTA BiH ĆE I OVE GODINE NASTAVITI AKTIVNOSTI NA SUZBIJANJU NELEGALNE PRODAJE PIROTEHNIČKIH SREDSTAVA

**POLICIJA BRČKO DISTRIKTA BiH
SVAKE GODINE KONTROLIŠE SITUACIJU
U GRADU, ODUZIMA ZAPALJIVA SREDSTVA,
PETARDE I PRANGIJE KOJE SE PRODAJU NA
ULICAMA, PIJACAMA,
TRGOVINAMA I TRAFIKAMA,**

**PROŠLE GODINE,
POLICIJA BRČKO DISTRIKTA BiH JE DO
31. DECEMBRA ZAPLIJENILA OKO
30.000 RAZNIH PIROTEHNIČKIH SREDSTAVA**

**PRIPADNICI POLICIJE BRČKO DISTRIKTA
U CILJU EFIKASNIJEG SUZBIJANJA
NELEGALNE PRODAJE PIROTEHNIČKIH
SREDSTAVA, KONTROLE ĆE VRŠITI U CIVILU,
PREDSTAVLJAJUĆI SE KAO KUPCI DA BI IMALI
DOKAZ O PRODAJI, A POTOM POSTUPALI U
SKLADU SA ZAKONSKIM REGULATIVAMA**

**KUPOVINOM PIROTEHNIČKIH SREDSTAVA
ZA UVESELJAVANJE PODUPIRETE
NEDOZVOLJENU TRGOVINU,
BACATE ULUDO NOVAC PREPRODAVAČIMA
I SVJESNO UNIŠTAVATE OKOLIŠ I DRUGE LJUDE.**

**ZATO,
SVOJ VIŠAK NOVCA, UMJESTO NA
PIROTEHNIČKA SREDSTVA POTROŠITE
NA ZDRAVIJE VIDOVE ZABAVE ILI GA UTROŠITE
U DOBROTVORNE SVRHE.**

**NEDOZVOLJENU TRGOVINU PIROTEHNIČKIH
SREDSTAVA PRIJAVITE NA TEL. 049/122**

STOP PIROTEHNICI

